

JAVNI POZIV ZA ANGAŽIRANJE AKTERA U SKUPŠTINI GRAĐANA MOSTARA U SKLOPU PROJEKTA

“RAZVOJ DEMOKRATSKOG UČEŠĆA U GRADU MOSTARU”

U sklopu projekta „Razvoj demokratskog učešća u Gradu Mostaru“, koji sprovodi Kongres lokalnih i regionalnih vlasti u okviru Akcionog plana Vijeća Evrope za Bosnu i Hercegovinu za razdoblje od 2018. do 2021. godine, posebno kreirani deliberativni proces će biti održan u Gradu Mostaru u sedmom mjesecu 2021. godine.

Deliberativni proces, koji će se organizovati u obliku Skupštine građana, će omogućiti grupi od 40+8 građana (koja predstavlja demografski sastav Grada Mostara) da raspravljaju na temu od lokalnog interesa, odabranoj nakon širokog konsultativnog procesa sa građanima, civilnim društvom kao i lokalnim vlastima.

Za više informacija molimo Vas da konsultujete: www.mostargradimo.ba

Predmet poziva

Koordinacioni tim poziva zainteresirane organizacije, institucije i neformalne grupe čija je djelatnost vezana za čistoću i održavanje javnog prostora, da se prijave za učešće u Skupštini građana Mostara na kojoj će se o navedenoj temi raspravljati. Zainteresirana strana treba biti u mogućnosti da pruži kvalitetne informacije na temu: Ulice Grada Mostara su pune smeća i javni prostori se loše održavaju. Kako Grad Mostar može poboljšati čistoću javnog prostora i učiniti ga prijatnijim?

Uloga aktera

- predložiti specifične teme koje će se obrađivati tokom faze učenja Skupštine i/ili stručnjake koji će izložiti o tim temama.
- usmeno izlagati tokom sastanka članova Skupštine (17.7.2021.) i u svojoj prezentaciji ponuditi prijedloge za preporuke i pozvati se na izlaganja stručnjaka.
- članovima Skupštine elektronskim putem dostaviti sažetak mišljenja nakon faze učenja.
- članovima Skupštine putem facilitatora ili u nastavku navedene email adrese dostaviti primjedbe o predloženim preporukama stručnjaka i drugih aktera.
- članovima Skupštine putem facilitatora ili u nastavku navedene email adrese dostaviti materijale koji se odnose na predmet Skupštine.
- uložiti zahtjev ka facilitatorima ili koordinacionom timu za razrješenje facilitatora/ice.
- uložiti prigovore i primjedbe Nadzornom timu o toku Skupštine u slučaju kršenja Pravilnika Skupštine.

Uslov selekcije

- Svaka organizacija, institucija ili neformalna grupa čija je djelatnost vezana za predmet Skupštine¹ ili na nju direktno utiču pitanja pokrenuta u okviru Skupštine, može se prijaviti za učešće u istoj.
- U slučaju da subjekt ne ispunjava uslov selekcije, Koordinacioni tim odbija prijavu i obavještava subjekt emailom. U emailu se objašnjava žalbeni postupak.

Procedura selekcije

- Koordinacioni tim sastavlja listu zainteresiranih strana koje poziva da učestvuju u Skupštini. Pozvani svoje učešće potvrđuju putem emaila do datuma koji je naveden u pozivnici.
- Akteri koji nisu pozvani da učestvuju u Skupštini mogu obavijestiti Koordinacioni tim o svom interesu za učešće prema uputama i do roka objavljenog na web stranici Skupštine. U svojoj prijavi akteri trebaju dokazati da ispunjavaju gore navedene preduslove.
- Subjekt kojem je Koordinacioni tim odbio učešće u Skupštini, može Nadzornom timu podnijeti žalbu elektronskim putem, u roku od 7 dana od dana odbijanja učešća u Skupštini. Odluka Nadzornog tima je konačna.
- Projektni tim će objaviti listu aktera koji učestvuju u Skupštini na web stranici Skupštine.

Sadržaj i način podnošenja prijave

Prijava treba da sadrži:

- Dokaz da je djelatnost organizacija/institucije/neformalne grupe vezana za predmet Skupštine ili da na nju direktno utiču pitanja pokrenuta u okviru Skupštine.
- Opis ciljeva i misije organizacije/institucije/neformalne grupe.

Rok podnošenja prijave

Prijavu je neophodno dostaviti do 6.7.2021. godine, putem email adrese koordinacionitim@mostargradimo.ba.

Svi zainteresirani će biti obaviješteni o rezultatima konkursa a isti će biti objavljeni i na web stranici www.mostargradimo.ba

Sve dodatne informacije u vezi sa konkursom mogu se dobiti putem e-maila: info@mostargradimo.ba

¹ Čistoća grada, čišćenje i održavanje javnog prostora